

DAVIDIS

REGIS ET

PROPHETÆ

Pfalmi omnes,

IN CARMEN CONVERSI,

PER

D. IACOBVM LATOMVM,

Canonicum Louaniensem.

*Adiecta est ad finem eiusdem Davidis super
morte Saulis & Ionathæ Trenodia.*



ANTVERPIÆ,

Ex officina Christophori Plantini,

Architypographi Regij.

M. D. LXXVII.

*Goela Comp^a de Jes de Salca
y sala libria*



IOANNES RAMVS

IVRECONSULTVS AD

IACOBVM LATOMVM.



*HEBRÆI partim diuina pœma-
ta vatis*

*Fecisti in Latios molliter ire
pedes.*

Fecisti: pergas ventis dare vela, quousque

Impleat extremam meta suprema manum.

Aut iusto semper colophone pœma carebit,

Et qui perficiat cetera nullus erit.

Nec tātū assumet quisquā sibi, vt addere tētet

Carmina, carminibus aqua futura tuis:

In quibus & vires, atque ornamenta, fidemq;

Et quidquid vates summus haberet, habes.

5

IACOBVS LATOMVS
PIO LECTORI.



ANTE annos aliquot, amice
Lector, nonnullos Davidis
Psalms è toto volumine
hinc inde, prout quisque in-
ciderat, arreptos, diuersis
temporibus in carmen con-
uerteram: nihil tum aliud
spectans, quàm ut hoc genere occupationis animũ
meum domesticis molestiis defatigatũ recrearem,
& à cogitatione rerum ingratarum ad iucundio-
res curas auerterem. Nam quia reipsa intellige-
bam, nulla me neque maiora, neque presentiora
remedia aduersus incidẽteis animorum morbos,
& tormẽta fortune posse reperire, quàm si in hac
saluberrima parte scripturæ sacræ operam, stu-
diumq; collocassem: ideo me quoties rerum tedia
ceperant, vel molestia aliqua mihi obiecta exul-
cerarat animum, in sanctissimũ vatem me liben-
ter reijciebam, & vel cum illo iucundissimè com-
mentabar, vel ipsius sensa ad meos modulos, ut
poteram, cõcinnabam: Nimirum arbitrabar, nul-
lum genus laxamenti magis decere hominem cum
sacra professum, tum ab studiis humanioribus ni-
hil abhorrentem. Verũm ubi factus ille nõster in
aliquẽ numerũ Psalmorũ excreuisset, quorundam
studio effectũ est, ut nondũ bene emaculatus, præ-

9

IN PRIMVM
DAVIDIS PSALMVM
IACOBI LATOMI
ODE.

ARGVMENTVM PSALMI I.

Felicem docet esse, mali contagia cœtus

Qui fugit, inq̄, Dei tempora lege locat:

Hanc vita statuens Helicen sibi: quanta deinde

Damna malos maneant, commoda quanta bonos.

BEATVS VIR.



ELIX, consilijs qui abstinuit malis,

Nolens praua sequi facta nocentiũ,

Misceriq̄; gregi non tulit improbo:

Eius sed pia mēs semper, & integra

Cũ iussis Domini pectora cōgruũt:

Inq̄; illis meditans se pius occupat,

Noctes atque dies iugis, & impiger.

Hic palmæ similis, quam fluuius propè

Decurrens placidis vorticibus rigat,

Et quæ semper hero temporibus suis

Opportuna dabit munera fertilis:

Quæ vestita suis stabit honoribus,

Frondis nec metuet de fluuium pati.

Rursum quidquid homo suscipiet pius,

Successu capiet gaudia prospero.

Haudquaquam ratio est consimilis virũm,

Qui vitam peragunt per vetitum nefas:

E I V S D E M D A V I D I S R E G I S

ET PROPHE TÆ S V P E R M O R T E S A V -
 l i s & I o n a t h æ , e o d e m a u t h o r e , T h r e n o d i a .

I Sacidæ vestros mecum perpendite casus,
 Tollite lugubres sidera ad alta sonos.
 Aspiciate en quorum crudeli corpora ferro
 Saucia in excelsis procubuere iugis!
 Montibus in vestris letho prostrata nefando,
 Inclyta Thariadum gloria lausque iacet.
 Getthæos fama hæc fugiat tam fœda colonos,
 Nec tangat fines Aſcalonita tuos.
 Clade Palestinæ hac ne exultent forte puellæ,
 Inque suis cantent vulnera nostra choris.
 Ne incircumcisorum agitent petulantia natæ
 Gaudia, de nostris lætitiâque malis.
 Gelboici montes vos dehinc nec roscidus humor,
 Nec pluvix solita fertilitate iuvent.
 Non Cereris quisquam, nec dulcis grata Lyxi
 Dehinc queat è vestris carpere dona iugis.
 Hic robustorum parma est abiecta virorum
 Bellica, quodque piget dicere, parma Saul.
 Tanquam si facto non esset tinctus oliuo,
 Et Regis veluti nomen inane foret.
 Retrorsum Ionathæ nunquam rediere sagittæ,
 Robustos peteret quamlibet ille viros.
 Prælia facturus quoties prodibat in hostem,
 Spicula ab hostili sanguine tincta tulit.
 Si quis Marte minax Regi se forte tulisset
 Obuius, inuictam sensit adesse manum.
 Nunquam proposito gladius deflexit ab ictu
 Ipsi, à pugna nec remeavit iners.

Quam